

Nunatsinni meeqqat angerlarsimaffiup avataanut inissiisarnermut atatillugu aningaasartuutit annertuumik annertusiartuinnartunut qanoq annikillisaasinnaanerluta, immikkut ilisimasallit suleqatigiissitaq piviusorsortunik innersuussisussatut pilersinneqarnissaat anguniarlugu Naalakkersuisut peqquneqassasut Inatsisartunut aalajangiiffigisassatut siunnersuut. Tamanna kommuunit angerlarsimaffiup avataanut inissiisarnernut aningaasartuutigisartagaannut annertusiartuinnartunut annikillisaanissaq siunertaralugu. Innersuussutit meeqqat inerikkiartornerannut, toqqisisimancerannut aammalu illersorneqarnerannut innarliissanngillat. Innersuussutit UKA 2024 nallertinnagu saqqummiunneqassapput.

(Inatsisartunut Ilaasortaq Bjørk Lange Olsen, Demokraatit)

Akissuteqaat

(Meeqqanut, Inuuusuttunut, Ilanniartitaanermut, Kultureqarnermut, Timersornermut Ilageeqarnermullu Naalakkersuisoq)

Siullermeerneqarnera

Aalajangiiffigisassatut siunnersummik siunnersuuteqartoq Bjørk Lange Olsen Naalakkersuisut qujaffigaat.

Meeqqat atugarliortut Naalakkersuisuniit annertuumik salliutinnejarpuit. Naalakkersuisut siunnersuuteqartoq isumaqatigaat ilaqtariit tamarmik ingerlalluartuuppata meeqqamillu sumiginnaasarneq inuiaqatigiinni annertuumik ajornartorsiutaangngitsuuppat nuannaarutissaalluinnartuusoq. Ajoraluartumik nunatsinni meeqqamik sumiginnaasarneq ajornartorsiutaasorujussuuvoq, taamaattoqarnerani meeqqat angerlarsimaffiup avataanut inissinneqartarerat pissutigalugu aningaasartuutit annertusiartupiloorlutik.

Meeqqat angerlarsimaffiup avataanut inissinneqartarerat pinaveersaartinniarlugu Naalakkersuisut sakkortuumik ukkatarinnippu. Naalakkersuisut iliuusissatut pilersaarummik "Pitsaliuineq pitsaanerusoq, inissiinerit ikinnerusut: Ilaqtariinni pitsaliuinermik sulineq pillugu Iliuusissatut pilersaarut 2023-2030"-mik ukioq kingulleq saqqummersitsippu iliuusissatullu pilersaarummik atulersitsinissamut pilersaarusiulereerlutik. Iliuusissatut pilersaarutip siunertaraa siullertut meeqqat angerlarsimaffiup avataanut inissinneqartarneri ikilisarneqarnissaat, kommuunit suleqatigalugit ilaqtariinni pitsaliuineq pitsangorsaavagineqarnissaa kiisalu pisarialimmik inissiisoqarallartarnissaata pitsaassusaa pitsangorsaavagineqarnissaa.

Tamatuma saniatigut innarluutilinnut, meeqqanut, inuuusuttunut ilaqtariinnullu suliassaqarfiiit iluanni sullissiarnerit pitsangorsaavagineqarnissaannut orniginarnerulernissaannullu aaqqiissutaasinnaasunik Naalakkersuisut ujartuilereerput. Matuman Naalakkersuisut kommuunit tamarmik suleqatigalugit suliaqarfiiit akimorlugit suleqatigiissitamik pilersitsissapput, taakkua sullissinermik suliassaqarfimmut aaqqiissutissatut siunnersuutinik siunissaq qaninnerusumut ungasinnerusumullu isigisumut ataatsimoorussamik pilersaarut pillugu siunnersummik suliaqartussat. Matumunnga Naalakkersuisut suleqatigiissitamut ilasortartut siunnersutigerusuppaat qanoq isillutik meeqqat angerlarsimaffiup avataanut inissinneqartarerannut kommuunit aningaasartuutaat annertusiartuinnartut millisarneqarsinnaanerannut inassuteqartoqarnissaanut.

Naalakkersuisut taamatut oqaaseqarlutik allannguutissatut siunnersuut manna
saqqummiuppaat:

Sullissinermik suliassaqarfimmut siunissaq ungasinnerusumut isigisumut ataatsimoorussatut pilersaarummut ilaasutut Naalakkersuisut meeqqat angerlarsimaffiup avataanut inissinneqartarnerannut aningaasartuutit annertusiartuinmarnerat qanoq millisarneqarsinnaaneranik innersuussuteqarsinnaanerannut Inatsisartut aalajangiiffigisassaattut siunnersuut. Innersuussutit meeqqat inerartornerannut, atugarissaarnerannut inatsisitigullu isumannaatsuutinneqarnerannut innarliissangillat. UKA 2024 nallertinnagu innersuussutit saqqummiunneqarumaarput.